

docriver 文川网
古籍书城
入驻商家
获取更多电子书
在文川网搜

中國方志叢書·華中地方·第二四九號


據

清·曹德贊纂，張星煥增纂
清道光六年增修，民國廿六年鉛字重印本

影印

安徽省

繁昌縣志書



成文出版社有限公司印行

sk1267



10097734

8

中國方志叢書·華中地方·第二四九號


據

清·曹德贊纂，張星煥增纂
清道光六年增修，民國廿六年鉛字重印本

影印

安徽省

繁昌縣志書



成文出版社有限公司印行



中國方志叢書·華中地方·第二四九號

據

清·曹德贊纂，張星煥增纂
清道光六年增修，民國廿六年鉛字重印本

影印

安徽省

繁昌縣志書



414/02
成文出版社有限公司印行



10097736

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第二四九號

據

清·曹德贊纂，張星煥增纂
清道光六年增修，民國廿六年鉛字重印本

影印

安徽省

繁昌縣志書



成文出版社有限公司印行



中華民國六十四年 月壹一版

繁昌縣志書

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重印繁昌縣志弁言

人羣進化超邁前古史例亦隨之而變革舊日史家多基於政治眼光而其目的在驗世風之厚薄誌民生之疾苦以供在上者之省覽於社會事實略而不詳今日史家則將此種觀念根本掃除而以歷史包括全部人類社會演進之過程尤側重一般人生活方式之演變此類新觀念來自西洋而在西洋史界中亦爲最新之趨勢蓋時會使然也夫各部人類文明之發展大抵大同小異雖以物質環境歷史背景及其他因素之不一致進化速率往往不同所循之程序亦異然在同一經濟狀況之下其社會制度大致究無差別是故政治史家所研究者多係偶然之事而社會史家所研究者則爲普遍現象世界如是國家如是縣邑亦何莫不如是繁昌位於長江之南山巒四起交通阻梗人類文化之進展較爲迂迴而其民風之古樸農村之殷富習俗之純良尙未一般縣份所僅見雖社會組織未臻周密神權支配未盡解除地域狹隘觀念不無故步自封然而社會普遍情形尙進於大德之不踰閑狹

此可爲之勢進而與之謀建設闡文明移風氣正習俗斯固牧民者之責也邑舊有志書編於世代未能適合今日史家之體例第按圖以索其於山川道里土俗民風亦可略窺梗概立本下車伊始即奉


當局有徵集各縣志書之命詢諸邑紳獲覩是集舊本既僅存少數而脈望三食之缺復所在多有欲謀續修感於人力財力之不足因就原集重行付梓內容無所增減體例一仍其舊則此次之翻印固不寓有絲毫意義而立本必欲舉新舊史例弁諸簡首一若不嫌詞費也者因感於社會進化動盪向前而不向後以今日繁邑情形而論固有如上述各點之象徵時輪推轉生活方式進度無已或數年後或數十年後則此葢爾花封焉知不進而爲時代前線之邦爾時邑志重修知言之士或不以余言爲芻狗而現時之邦人士夫亦或因一言之微其於社會進化原理更進而爲相當之認識與奮進時代無已邑人之進步無已邑宰之更代亦無已往來古今人事代謝余將拭目以俟研究社會史者之觀風焉

中華民國二十六年三月 日

繁昌縣縣長陳立本謹識

繁昌縣志書 卷之首 弁言

二



增修繁昌縣志序

凡事屬職分之所當爲時勢之有可爲而因循怠玩莫之或爲者皆廢弛之漸也繁
邑一切公務宜因時而舉者多矣而縣志一書自乾隆十六年修葺後迄今垂八十
年余自任午冬來茲土見舊志殘缺即有志興修其明年閏邑被水居民離析官吏
疲勞未暇及此今當連歲豐登瘡痍稍復

中丞陶公謂安省自分藩以來未有尚志

奏請纂修檄下各州縣採訪哀輯以備紀載並頒發採訪程式以期

各州縣

士紳先後踴躍遵行書成次第以上繁雜僻小獨焉不講可乎且是書也前令
曹君及少尉林君已具底稿較前志頗爲明備續而纂之易易也失此不修後將散
佚而不可復續謹之咎與爰取是書冗者刪之缺者補之其體例之未合者蓋而正
之而閩邑士紳亦皆踴躍從事相與有成竟不至以刻楮貽宋人笑倘亦觀於創始
而樂於圖成之一驗歟且夫志之爲書也非徒以爬剔摭拾於淹博誇富麗也其謂

一邑山川之險易土地之肥瘠風俗之淳澆釐焉具載宰斯土者將爲之攬形勝則思所以固疆圉稽賦役則思所以謀生聚察禮俗則思所以敦教化先定其規模以從事而凡事之所當爲者皆可審時度勢次第以舉而不負乃曠焉志者規模之所從立也不不揣因陋勉爲之倡衆爲之和矣夫繁邑之事待於有爲者多矣所願聞邑士紳黽勉同心以長佐余之所弗逮

道光六年歲次丙戌秋八月

賜進士出身繁昌縣知縣乙酉科江南鄉試同考官前翰林院庶吉士加二級善化

張星煥撰

舊序一 續編十四年

繁昌縣知縣 馮洪孜

繁志之缺略久矣今所據爲粉本者正德間志然一展卷寥寥數牘鄙俚簡率三家村人語爾則將轉而稽諸郡郡志作於萬歷辛丑差若可憑然多詳於附郭而略於外縣無可考也夫邑雖褊小而提封有履等威有辨經賦有類物服有章而徵往埃來布在方策舍志奚適有如官其地者以身爲郵簿書鞭箠足了一日其於一邑之文獻漠不關心坐使書契之世夷於結繩殘闕之形烈於秦篋誰履其咎而致是邪受事以來幾欲更始乃實苦於軍興孔劇連歲凶飢括据荒政日不暇給壬午夏日二麥初稔凋瘵稍甦余唯恐其弗及也亟與邦父老子弟討故實以論之而集衆思以成之閱三月而役竣是役也事取其覈而郵書杜撰之必屏也議取其公而納交要譽之必察也謀取其斷而聚訟築室之勿泥也三資者具余應得以報成事焉因憶山川之閱人多矣自有茲邑以來迄武廟時閱千五百年而當事者初葺其築自正德迄今又百有餘歲而山川文物殆若再開生面也者蓋人與地與時相遇若斯

之難而適觀厥成余適有原幸益滋有苦心已

舊序二 順治十三年

繁昌縣知縣張楷

清興

聖天子威加中外膏露溥汜黎民安堵樂業十數年於茲矣又治通振 憲臣乃請
大修天下地志轉行郡邑稽奉檄即同學博洪_諱明鍾韓_諱允昌遴選生員才學淹
俊者設館處之詳加釐定閱三月而書成楷敬弁言於首粵稽周官外史掌四方之
志此輿地志之所由來也屢世相沿凡疆域山川扼塞要害城郭溝塗田井賦役宦
仕選舉人物節孝學校圩堡以及寺觀仙釋典籍方術禽魚草木禮儀俗尚無不悉
具天下揆文畫武之區皆各有記載亦代有增修以備史乘之蒐繁羅彈丸小邑然
處江左上游密邇藩省其風物茂美不下蘇吳閩井仁厚頗臻於古爰考舊志更饜
煩蕪者蠲之脫漏者補之我

朝定鼎以來一切條件槩分門類庚增不阿不隱矢公矢慎如陳壽短諸葛之才勉
收減爾朱之惡吾知免矣楷於此獨有感也從來干戈搶攘之餘何暇纂葺輿圖仰

惟

興朝旭運天下太平

天子既孜孜嚮禮樂文教故在位咸欲潤色

皇猷倡茲盛典稽亦因副符下邑庶務清簡克與二三人士遠稽博採兼對景賦詩
彙成此編較舊本特詳確典雅綽有史裁此一代之光非復一邑一家之私乘云爾

舊序三 康熙十四年

繁昌縣知縣 梁延年

邑之有志所以辨形勢之險易明土地之沃瘠稽戶口之登耗核賦稅之贏縮考風俗之淳漓如是焉而已險易辨則保護固圉有程也沃瘠明則調劑區畫有欵也登耗稽則休養生息有規也贏縮核則斟酌損益有準也淳漓考則勸懲旌別有方也夫然後清弊源挾蠹本揆成憲樹良法相其緩急而輕重布之斯政行教舉吏治民安邑有所恃以固矣邑固則郡固郡固則省固省固則擁護神京安泰山而奠磐石斷斷如也是故修通志必自修邑志始蓋匯衆流然後知朝宗之大挹列宿然後知北極之尊尊者職要卑者職詳理勢然也繁昌彈丸邑耳語形勢則據郡省之上游長江稍焉波流浩渺至鵲嶼始水轉山迴形勢爲之一束清其上使望不得入則皖有轍矣疏其下使滯不得壅則蕪有壘矣誠多倉之備又益以草薶髮傳傳穢岸趾量絲舞掉之姦無所容斯保護固圉有餘耳此形勢之宜辨也語土地則牛屬山鄉牛爲澤國岡嶺巖巖之下其田既若桑棋汗萊沮洳之間其田又若斥鹵雨陽調

docsriver 文川网
入驻商家 古籍书城

在文川网搜索古籍书城 获取更多电子书

則各中收旱澇歧則惟偏熟計惟固隄防時蓄洩廣陂池齊心力斯調劑區畫不無少助耳此沃瘠之宜明也論戶口則宋戶四千九百有奇元戶一千五百有奇明戶三千三百有奇至我朝則戶增至六千九十有奇額較溢矣聞之苗盛則害稼者多畜蕃則敗羣者衆故曰招徠致庶易安輯保庶難若夫董四民使各安其業申三物使日進於良亦庶幾罔軼矣乎顧猶有慮焉大兵所經難保無風鶴之驚也軍興所督難保無絲穀之賣也暑雨未必其無否也祁寒未必其無怨也則休養生息誠不能不墮於懷耳此登耗之宜稽也語賦稅則惟正之供源流詳焉

國家定鼎之來經制一準萬歷啟禎而下無藝之徵悉汰除之下此則蘆課要矣蘆課獨非地利也哉乃彼則寓以撫字而有餘此則加以敲扑而不足民急則毀產以紓目前甚則絜家以覓逃亡也吏賢則賠補以爲彌縫甚則束手以聽參罰也考其所自蘆課始自二千金而羨屢奉清丈遞加至四千金而羨是益一倍矣夫天地生財止有此數一盈則一虧東漲則西沒今也前後之額遠若莛楹詎無以少報多以

無爲有之弊邪州戶告困日病日深下吏不憚爲窮黎請命所恃各憲繪流民之圖
聖天子垂如園之聽則轉涸鮒於清波登水火於衽席有引領聖耳此斟酌損益所
宜核厥贏縮也論風俗則山樞隰榆有唐風之儉采蘭贈芍無鄭俗之淫且風俗亦
何常之有南陽好商賈召信臣敦以本業穎川好告訐韓延壽教以禮讓風行草履
惟上之從又况敦龐未盡泯機利未盡開邪此勸懲旌別所宜考厥淳漓也五者備
而志幾全矣他如星野災祥之恒變建置沿革之異同城郭池隍之修築屏署宮室
之廢興學校廟壇之因創山陵邱墓之顯晦以至官方政蹟之歸駁名宦鄉賢之典
型忠孝節烈之繼起科第髦俊之蔚立旁而及於文章著作之淹富仙釋方伎之神
奇山水亭臺之佳勝土產物華之紛錯博物君子能言之鴻儒碩士能筆之騷人墨
客能咏歌而紀載之延年可勿喙耳今也繁民之疴瘡即延年之疴瘡繁民之疾痛
即延年之疾痛故其爲言切實不汎朴質無文如此不然者通志之修赫然奉
聖天子詔命行且由郡藩以達臺部集一省之大成以進呈

睿覽辭邑小臣苟稍飾其說是自賈戾也其何敢於其志成謹拜手稽首弁之簡端

舊序四 乾隆十六年

繁昌縣知縣 王熊飛

邑之有志爲治之資也封域田土賦徭食貨兵防吏治學校民風分外史之所司以備職方之稽考故宜於土俗合於人情而八政七教之施不勞而定且夫山川之靈異鍾聚於人其顯者足以光邦家而言坊行表之所留皆可砥風化而維名節史難遍載而邑志采之志之修蓋若斯之重也繁之邑大江亘其流北距河淮南分江楚又衆峯列峙秀靈所盤礴心臧物愛之奧區而板子一磯拖姑孰皖城南北咽喉之要詎曰僻在一隅疆方所可略乎歲己巳予奉

天子命承乏是邑履任以來朝夕惟懷祗懼暇則聚父老子弟詢邑之利弊思海次以興除考証遺編以佐人言之弗逮洎披覽舊乘未修訂者垂八十年嗚呼寧惟故老之傳聞半銷歇於語言文字而八十年中之損益亦時異而事殊志以資治文不足則獻亦無徵難以合人情宜土俗矣恭遇
六飛南御問俗觀風繁即葢爾區統荷

繁昌縣志 卷之首 舊序四

六

宸衷軫念重以上臺交檄飭修縣志予雖映掌風塵敢云無作史材遂貽羞於隕越乎於是聘名宿簡一邑秀良授館具餐參互而考訂正舊志之譌蓋而增以八十載之見聞始庚午仲冬迄於今秋七月而予也簿書之隙訪求商確以定是非去取之閑惟覈實以尋真不刻期而欲速蓋閱時凡四告厥成焉夫修志之事與史略同才不足以表數學淺而識微無當於三長之目難語依經據史以爲子益好之人心斯志之修詎謂上追史然數典必綜諸古而無稽曲說之勿庸平情以稱其施而濫述諛碑之胥絕要使人情土俗藉以發明而辭在一隅者得備輶軒之采則釐前志取將來或亦可爲爲治之資而八政七教之一助爾書成將以授梓例并數語於簡端乃不揣弗文撥塵冗而爲之序

重修繁昌縣志序

繁昌縣知縣 曹德贊

今使將一邑之中所謂山川之險易賦役之衆寡風俗之厚薄無不若網在綱有條不紊舍志其何以哉顧修志之難其弊有二苟簡則失之缺略濫收則失之荒蕪二者交譏而濫收爲尤甚往見明康海武功志韓邦奇朝邑志嘆其謹嚴而輿圖疆域容有未備又見毛大可蕭山志刊誤書僅三卷辨訛迺八十餘條由斯以談志亦何可易言矣德贊前供職庶常奉派協修

國史其時適纂修

大清一統志行取直省通志以供採擇辛未夏德贊出宰繁昌甫下車即索邑志讀之思求其要領所在且將以上之史館也繁邑截長補短不足百里數載以來周歷殆遍所見山川風俗按之邑志輒不盡合且條教之因革人物之富庶按之邑志又不盡合蓋王志修於乾隆辛未一仍梁志之舊而稍增益焉訛以傳訛無所更正梁志修於康熙乙卯八手編輯而不復融會貫通往往自相矛盾水道一門尤爲謬誤

繁昌縣志書 卷之首 原序

七

惟順治丙申張志最爲精詳有法惜無完本今所見者縣圖至選舉八卷及雜記藝文兩卷而已正德崇禎兩卷則其文不傳久矣德不揣固陋公餘之暇重爲釐定原本舊志証以太平府及蕪湖南陵等志並博採歷代地理及現行賦役全書則例下逮碑版文集之屬參互而考訂之而典史林君光祖留心掌故且官是邑最久凡有疑義相與往復商確不厭詳慎謬者證之支者芟之增昔所無續今所有凡三易其藁而後告成爲志十卷十有八雖不敢謂繁簡得宜折衷至當庶幾徵文考獻足以傳信云爾夫志者史之流也政教之本也周官行人之職禮俗政事教治刑禁爲一書康樂和親安平爲一書然後天下之故無不周知焉洪惟

聖朝重熙累洽文治光昭士習民風蒸蒸日上德承乏繁昌於茲六載學淺才疎自慚報稱惟日與邑之人課桑麻興學校相安無事共樂昇平適得簿書之餘成此邑乘以備輶軒之采其厚幸爲何如耶書旣成因識其緣起旣以自勗並以告後之宰是邑者

舊跋

繁昌縣教諭 陳喬齡

惟我

聖天子覆載無私朔南皆訖禮宣樂啓仁漸義摩吞雲吐雨之鄉梯航並至浴日浮天之表圖籍奄歸固已協氣旁流共球輯瑞德心廣布文軌同休乃當

萬幾之乘猶厪士習民風之念且煩

九重之貴不憚省方問俗之勤凡以土宇山川極關治化聲名文物足驗淳龐故詩採風謠不遺小國書載方域非止巨靈民以邑糾積之著烝蕃之象政以志核考之成通會之書此 良有司之所以仰體兢兢而繄色乘之所以重修亟也按繁山環嶂疊爲姑郡之奧區溪繞江橫實南天之勝境蟹磯鷓渚舍孕靈奇白嶼紅尖鑑鍾文秀太平之景物野盡桑麻

盛世之井疆鄉皆魚米渾渾樸樸風號唐風郁郁斌斌依然古處斯謂無美不備抑亦有人則靈矣然忘歲月而樂昇平者百有餘載索志乘而失編紀者七十多年天


地菁英每益新而益異嶽淵精脈恒愈發而愈光或功可旂常或行推閭黨或芳踪
掩或奇節埋存又且侶蝦蟇不羈不羈終身而終歸就三都而莫遠詩成
七步而無標即此需穀之多材從可例推夫他類第以事溷年遠披據殊難呈謝編
荒蒐尋尤苦欲信今而傳後敢不惟慎惟嚴將勵俗而扶風安計任勞任怨能知此
意可言斯志之修明克體此心乃識 賢侯之美舉夫 侯本桂林鉅手魏苑宗工
宏才寄保障之賢小試妙烹鮮之術拊循善政已泐心於白叟黃童興革良規早著
蹟於丹書綠字於是之治民之權治志調和等寬猛之宜以垂教之意垂文溫厚達
激揚之道虛衷採訪何遺於工賈漁樵雅意編摹奚憾於毫釐銖黍聘請則鴻鵠棧
筆鉛槧獨精參稽則鄉彥名流見聞倍確舍毫操簡必三四以躊躇博集嚴收務僉
同其議論則筆則削字挾風霜以校以讐章成圭壁洵規前而芟繁就簡喬哉皇哉
亦示後而補漏增華美矣備矣 才慚武庫學愧文淵目睹豹斑性誠鳩拙願輝
分隣燭在桑梓久藉餘光而鐸附花封幸芹藻亦邀溢潤况


宮牆丹碧

宸翰昭回夙夜悚惶惟此鼓篋弦歌之化人文蔚起恒切風醇俗美之思細閱班才
太府大人且汲許而加之華弁快觀董筆儒齋小吏亦矚言而贊以蕪詞蓋邑乘
與

國史無殊自此卜

輜軒之頻采盛事與隆時並喜從茲知鼓吹之愈休云爾





重修繁昌縣志卷之首

凡例

一繁志自順治至乾隆業經三修張志十二卷有綱有目梁志廣爲十八卷然綱目不分王志仍梁志之舊而廣爲三十卷門靡誇多蹟駁特甚且江防先於山川封蔭先於田賦亦屬次序不倫斯編爲卷十八爲綱十爲目六十有二比類相附井然秩然首圖考次輿地正經界也次營建次食貨次學校次武備詳治法也有治法則必有治人故職官次之教化行則風俗美故人物品次之然後題咏以揚其華儷事以歸其餘故次之以藝文雜類終焉

一王志山水總圖將諸山橫豎羅列殊無義意江防圖尤爲倒置斯編確核疆域另繪縣境江防二圖並補繪學宮圖

一王志沿革察察數語且多游移斯編博採諸書務求可據並以今縣地繪列代縣治圖於右庶讀者一目了然

docsriver 文川网
入驻商家 古籍书城

在文川网搜索古籍书城 获取更多电子书

一王志山與嶺分巖與洞分殊爲割裂且江防不過數十里而有鷺江夾口魯明江等日幾不知此江即自岷山入海之江矣斯編山嶺巖洞合而爲一惟以方位爲次水道以江爲宗而荻港漕港二水發源注江者次之其荻港漕港二水經由之地即注於本條之下以免紛煩

一王志風俗或抄儀禮或抄荆楚歲時記其自記士風又復俚而不文斯編爲就本邑風俗登載無取掠美飾觀

一城池公署壇壝田賦學校濼以現行者爲主其以前損益沿革附載於後以資考鏡

一縣屬兵防陸路屬蕪采營水路屬游兵營王志江防另爲一門而陸路列入職官殊垂體制斯編總爲武備志而水驛馬政附焉其官職姓氏仍列入職官志一王志人物爲一門孝義列女流寓隱逸方伎仙釋又各爲一門將謂孝義在人物外乎斯編統爲人物志分宦績文苑孝友懿行尙義耆壽隱逸流寓方伎仙

釋爲十日

一節孝爲風化攸關張志非詳准旌表者不載誠爲有見梁志未旌者一例編入亦善善從長之意至年例未符本不遵行載入但念其立志甚堅苦節可憫姑附載於後以備他日採訪可也

一碑板之文舊志本列入藝文曹頌庭志稿以其文附於事謂事以文傳文亦以事傳良爲快舉而藝文所收者僅古今體詩耳於體例稍有未合今仍取碑板之文列入藝文仍於各條下註明有文詳藝文而文之無足存者但註云某某有記

一是書也前令曹翊庭獨任其事少財林光祖襄之煥則稍爲釐定而加增焉其中或有遺悞就翼博雅君子重爲訂正庶不以咎煥者兼咎及前令曹翊庭